

Sancti Gregorii Papæ Primi Cognomento Magni Opera

In Tres Tomos Distributa. Ex quamplurimis MSS. Codicibus emendata ;
Additæ Sunt Quædam Notæ in Dialogos & Epistolas ejusdem S. Gregorii

Gregor <I., Papst>

Lutetia Parisiorum, 1675

Caput II.

[urn:nbn:de:hbz:466:1-75090](#)

justos, sed peccatores ad parientiam. Si ergo pro peccatoribus venit, si peccata decesserit, eum venire non oportet. Si peccata, ad quæ delenda venisse creditur, per justitiam Dei permisla esse sentiuntur; dum pro peccatoribus Deus homo nascitur erat, ex illo malo, quo morituri erant, bonum, quod malum illud vinceret, omnipotens Deus se faeturum providerat. Cujus profecto boni magnitudo, quis fidelis non videat quām mirabiliter excusat? Magna quippe sunt mala, quæ per primæ culpæ meritum patimur, sed quis electus nollet peccata perpetui, quām tantum Redemptorem non habere? Eligatur ergo rex; sed reprobandus: eligatur velut in indignatione, non voluntate Dei: subsequatur ergo rex juxta cor Dei; ut ex judicio ejus distinctione vindictæ malum procedat in reprobus, & bonum, quod ex malo facturus erat, per largitatem divinæ gratiæ redudent in pios, dum illi in malo, quod cupiunt, cadere permituntur. Sed unde se illi precipitant, agitur, ut alij nequaquam cadant. Sed quia his verbis iudicium divinae distinctionis asseritur, videamus jam, quanta dispensatio utitur, ne id malè deliberantes agant, unde puniantur. Nam sequitur:

Nunc ergo audi vocem eorum: verumtamen contestare eos, & prædicare eis ius regis, qui regnaturus est super eos.

Quasi aperta ostensione clementiæ dicat: Sic audi voces eorum, ut tamen ipsi priùs de jure regis, quem petunt, audiant quod expavescant; & velut C

tunc male cepta deserant, cum, quām sit res onerosa, cognoscitur, quam petebant. Sequitur:

Dixit itaque omnia verba Domini ad populum, qui petierat à se regem; & ait: Hoc erit ius regis, qui imperatur est vobis. Filios vestros tollet; & ponet in curribus suis, facietque sibi equites, & procursores quadrigarum suarum: & constituet sibi tribunos, et centuriones, et aratores agrorum suorum, et messores segetum, et fabros armorum, et curruum suorum: filias quoque vestras faciet sibi unguentarias, et focarias, et panificas: agros quoque vestros, et vineas, et oliveta optima tollet, et dabit servis suis. Sed et segetes vestras, et vinearum redditus addecimabit, ut det eunuchs et famulis suis. Servos etiam vestros, et ancillas, juvenes optimos, et asinos auferet, et ponet in opere suo, greges quoque vestros addecimabit, vosque eritis ei servi.

Cum à carnalibus subiectio queritur, profecto quidquid precipitur eis, grave est, eis non sit difficile: quia cum ex superbia tumore habeant, ut propria voluntatis arbitrium sequantur, quidquid eorum deliberationi obviat, gravissimum penfant. Jam vero cum dura & contraria jubentur, quæ ei est moles oneris? Qui tumor cordis? Cum ferre etiam blanda, & levia vix nolentes possent, quæ si vellent, facilimè pertulissent. Videamus ergo stultæ audacie hominis, quām dignè respondeat pia dispensatio conditoris. Jura hominum proponuntur contingentibus iure Dei; & his, qui mitia & salubria divinitatis consilia spreverant, dura & importabilia humana servitutis onera predicentur: ut ex his secum rationem facerent, quām intolerabiliæ essent imperia hominis eis, qui non tam imperant, quām monentis Dei, ne id peterent, consilia obedire noluiscent. Sed habent corda carnalium temeritatem ex incremento audacia, habent duritiam ex simulationis ratione. Ex temeritate quidem facile agenda delibe-

A rant; sed quia, quod malè proponunt, non intelligunt, meliorum consilii adjuvari non possunt. Quare & hī quoque subditur:

Noluit populus audire vocem Samuelis. Et dixerunt: Nequaquam: Rex enim erit super nos, et erimus nos quoque, sicut omnes gentes, et judicabit nos rex noster, et egredietur ante nos, et pugnabit bella nostra pro nobis.

Magnæ quidem temeritatis extitit, contra Dei voluntatem regem petere, magnæ duritiae, consilii Prophetæ vinciri non posse. Magnæ temeritatis fuit, ei rationes proponere, quem sciebant cuncta, quæ acturus erat, revelante Domino, prius scire. Magnæ duritiae, illi non acquiescere, quem noverant ea tantum, quæ Domino revelante, didicerat, imperare. Nam quid est, quod respondentes dicunt: [Nequaquam, sed rex erit super nos?] Sed qui, Nequaquam, dicunt, profecto id negant, quod audiunt. Aperit ergo in hoc verbo ostenditur, quia ad hoc Prophetæ grave ius regis exposuit, ut nequaquam peteretur. Ius vero regis audiunt, & id, propter quod exponitur, detestantur; ut reprobatori cordium profectus exprimitur, in quibus mali propositi consummatio est, & inconvenitabilitas voluntatis. Sed nos antiqua tempora reprehendimus, qui nostra videre non curamus. Quæ nimirum tempora, que senecente mundo, vetustiora sunt, ed & in pluribus per temporis ac negligenter vitium remissiora. Tantò etenim audaciū nunc mala proponimus, quantò jam cum robusta juventute facili, robur exaruit humana conditionis: tantò difficultius, quod malè est propositum, revocamus, quantò ex laxato vigore spiritus, mens nostra carnalis efficitur. Ita enim sunt humani lapsus, ut quod in spirituali virtute deficit, in carnali vita roboretur. Omnia quidem hæc juxta egregij doctoris vocem: *In signa contingebat illis: scriptra sunt autem propter nos.*

Jam quidem aperte cognoscimus horum Israelitarum audaciam, que divinae indignationis judicia sequuta sunt: & tamen contra voluntatem Dei, contra prelatorum sanctarum Ecclesiæ consilii agenda proponere non timemus. In malo quoque proposito reprehensi resistimus, & salubria majorum consilia insuperabili malo perviciæ vincere conamur. Videmus, quanti mali incrementum sit, percutentes aspicere, & sequi ad perditionem eorum vestigia non timere; pœnales laqueos mortis incurrentes cernere, & cibis laqueis irretiri, nequaquam metuere. Et illi quidem contra Domini voluntatem regem petierunt; sed à regia dignitate postea actum est, ut populus, qui Deum abjeccerat, idola coleret, simulacra adoraret. Quām reverenda ergo sint majorum consilia cernimus, si hoc sollicitè consideramus: quia qui ea despiciere aucti sunt, hoc se non providerunt agere, unde tam profundio erroris pelago demergi potuerint. Meritò igitur se abjectum Dominus in regis petitione conqueritur, merito regiam dignitatem concedit indignatus. Tanta quidem erat iniurias postulantum, ut cum illud paterent, per quod à Deo recedent, ex Dei iudicio permitti posset, prohiberi non posset. Quia vero hæc juxta litteram diximus, quid etiam spiritualiter designat ea, quæ continentur in jure regio, videamus.

C A P U T II.

*A*bjecto etenim Samuele, rex petitur: quando proba multitudo populi spiritualem pastorem despiciit, & præcessit sibi carnalem quærit. Cum quibus sapientia æquitatis distributione agitur, ut eo ipso, quod electum prædicatorem despiciunt, subesse reprobo permittantur: ex cuius imitacione tantò deterius pereant, quantò majori superbia id, ex quo vivere in æternum poterant, audaciis contemnebant. Cum ergo ius regis prædictetur, nimirum in unius carnalis præpositi conversatione

ostenditur, quod carnales ceteri ex tyrannide acturi sunt, non quod electi debeant imitari. Nam in eadem Regum historia legitur; quia cum rex Achab Naboth vineam abstulit, iram Dei omnipotentis incurrit. Hic vero cum jus regis praedicitur, agri, vires, & optima oliveta tollenda esse memorantur. 3. Reg. 21. b.
1. Par. 21. e.
 Cum ergo huc prædictur, quod commissum illic punitum est: ostendit, quod divino iudicio non iubetur. Quare & electus rex David cum ad ædificandum altare Domini Ornam Iesuca aream peteret, regio illo tyrannorum iure non uti voluit: cum eam accipere nullatenus acquisiceret, nisi ante pro eadignum pretium deditset. Quia igitur ea, quæ in iure regio continentur, vitanda potius, quam imitanda prædicuntur, ed subtilius considerantur, quod vitari nequeunt, si nesciantur. At it ergo: [*Filios vestros tollet, & ponet in curribus suis.*] Filii electorum iij sunt, qui eorum virtutes imitantur. Currus etiam, carnalis rectorum sunt fastus mundanae elationis. Nam dum ceteris se sublimibus esse gloriantur, quasi curribus vesti, per alta graduntur. In curribus ergo fideliū filii ponuntur, quando pastores reprobos per appetitum mundanae gloriae sequuntur: cum reliquo spiritualibus studiis, carnalis vita comoda experti: & deposita illa sublimi intentione cælestium, alta facili assequi conantur. Bene itaque non in curru, sed in curribus ponendi Istaclitarum filii dicuntur: quia ex omni, quod præcellit in carnalium prælatorum culmine, proficiunt in elatione: & quasi tot sublimibus curribus in alte se elevant, quod alta conspicunt, quibus aliis se superiores putant. Bonorum ergo filios rex in curribus ponit, quando carnalis rector electorum imitatores exemplo sua praviratis ad elationis vitia pertrahit; ut cœlestia postponant, terrena appetant, & in hoc solo gaudent, si ex eo, quod temporaliter altum volvitur, ceteris præferantur. Et quia contra minores non solum erecti, sed etiam fortes sunt, sequitur: [*Et faciet sibi equites.*] Velut enim in equis leviant, qui & sublimes sunt dignitate, & potentia tristes. Equites quoque sunt, quia dum ferocias cordis sui motus contra impotentes dirigunt, ad omne, quod per tyrannidem exercere appetunt, veloces sunt. Anhelant quippe imperu, spumant rabie, & quos cursu tyrranidis impetum, elidunt. Sed dum in pastoribus reprobis alij mundanae elationis fastus emulantur, alij eorum exemplo, quos valent, optimunt: nonnulli etiam sunt, qui ad exercenda malâ, quæ per seipso bonis inferre nequeunt, nequiores se alios introducent. Unde & sequitur: [*Et præcursorum quadrigarum suarum.*] Quæ sunt enim quadrigæ regis, nisi perverse mentes malorum subditorum, in quorum consilia prælati reprobos requiescit? Quadrigæ etenim sunt, quæ reges portant: dum per iniqua consilia pravorum acta rectorum adjuvantur. In eis quippe, quasi per sublime rex dicitur, dum per eos, qui ad temporales honores eis favent, quidquid carnales præpositi de altitudine seculi in desiderio volunt, exequuntur. Qui recte quadrigarum nomine designantur. Quadriga enim inde stat, unde volvitur: quia reprobis mens finem sue intentionis habet seculi volubilitatem. Indo quidem requiescit, quo per innumeras curas mentis rotantis mundi negotia ventilare non definit. Regum ergo quadrigæ sunt, dum per omne, quod ultro volvendo cogitant, in se carnalium præpositorum iusta portant. Sed qui locum familiaritatis juxta carnales prælatos habent, habent minores, quibus imperant: Ipsi ergo, velut quadrigæ regis sunt, illi præcursorum quadrigarum; quia eo modo, quo carnalem præpositum ad opprimendos humiles invehunt, ipsi quoque ad nocendum quibus possunt, per aliorum ministrium deducuntur. Quasi enim quadrigarum præcursor est, qui iniquâ mentis suæ versutiâ artem cogitat,

A per quam illum ad inferenda mala mitibus introducat. Si vero, ut plerique codices habent, non præcursorum, sed persecutores quadrigarum legamus, præfectus iij sunt, qui reprobos ad malum currentes imitantur. Quadriga etiam honoris causâ portari regibus solet. Quasi ergo in quadriga rex sistitur, quando carnalis rector de magnorum, qui videntur juxta le, adulatioibus gloriat. Qui vero istos in eorum laudibus præcedit, aut sequitur, præcursor seu persecutor est quadrigarum: quia adulations isti, vel post, vel antea proferunt, quas illi in auribus populi præeundo, aut subsequendo sparsere. Sequitur: [*Et constituet sibi tribunos, & centuriones.*] Tribuni, & centuriones sunt, cum in tantum mali præstatum veniant, ut ad exequenda tyranni imperia, impis facellibus principiantur, cum mundanarum virium acies ordinant, quas ad innocentium bella producant. Tribuni quidem sunt, qui per plures sibi fautores recte viventibus insidiantur. Centuriones vero sunt, qui nulla nocendi genera pretermittunt. Ex eo enim perfectionem iniquitatis obtinent, quo multa, & ingentia mala, quæ possunt, inferre semper student. A centenario quippe numero centurio dicitur. Et quia centenarius numerus perfectionem significat, in mala parte perficitur, quando ad summam nequitur ab impiis pervenire. Qui nimis calliditate suaves sunt, terrore violenti. Suaviter quidem blandiuntur aliis, ut eorum auxilio terrere alios ferociter possint. Bene itaque subditur: [*Et avatores agorum suorum, & messores segetum.*] Carnalis præpositi agri, mentes sunt subditorum: avatores vero horum agrorum sunt, qui arte sæcularis ingenij, eis suadent acta pravitatis. Velut enim agrorum soliditatem loquendo aperiunt, qui per reprobis consilia simpliciter corda corrumunt. Et segetes metunt, quando semine pravi consilij decepta corda minorum fructum reddant mala operationis. Quæ præfectus opera segetum appellatione designantur: quia per veritas reprobi subditi, dum a carnalibus rectoribus gaudenter excipiunt, eorum quasi electus est cibus mentis. In qua certè perverbitur, quia paulatim proficiunt, sequitur: [*Et fabros armorum, & currum suorum.*] Quæ sunt arma & curru tyrannorum, nisi illa omnia nocendi instrumenta, quæ ad evertenda corda minorum præparantur? Sed quia curru pervenit, quo armis feriatur, armorum & currum regis fabri sunt, quando nequissima cordium storum machinatione inveniunt, & mala, quæ agant, & eadem mala inventa qualiter inferant. Arma quippe fabricare, est nocendi genera reprobante colligere. Et curru fabricare, est ad eadem mala inferenda artem, qua accedere possint, innovere. Sequitur: [*Filias quoque vestras faciet unguentaria, & panicas.*] Filiarum nomine infirmorum mentes intra sanctam Ecclesiam posita designantur. Quæ regis unguentaria sunt: quia dum carnales præpositi in celistidine gloria transiunt aspiciunt, eos delinire adulatioibus conantur. Horum præfecti unguentorum usum Psalmista reprobans, ait: *Oleum peccatoris non impinguet caput meum.* Filiæ ergo unguentaria sunt: quia dum carnales præpositi infirmi displicere metunt, eorum feritatem, cui timido subiacent, blandimento deculent. Et notandum, quia filij prius dicuntur à rege tolli, & sic equites, & centuriones, sive armorum fabri fieri: filiæ vero non tolli, sed simpliciter unguentaria, & panica fieri. Tollit enim violentia est. Filij ergo tolluntur, quia robusti difficultè evertiuntur. Dum igitur filiae non tolli, sed unguentaria fieri prohibentur, quid est aliud, nisi quia qui infirmi in bono sunt, per exempla pravorum facile dissipantur? Quæ etiam focaria, & panica regis sunt: quia qui tyranis adulando serviunt, dum favendo placent, velut cibos exhibent. Focaria etenim

Rup. in
Deut.
cap. 27.
Bed. in
Pro. 14.

ps. 140. b.
S. Aug.
de leo
adula-
tions in
expof.
præfem-
tis loci.
S. Hier.
in Ez.
16. ps. in
ps. 140.
Am. in
ipsam

sunt, quæ foci coquunt, quæ reges comedunt. Fo- A
caria ergo sunt, quæ per obsequia favoris carnali
præposito accendent tumorem cordis: ut eò auda-
cius favores excipiant, quod velut delicatores sibi ci-
bos ignis excitatae devotionis parant. Quæ etiam pa-
nificæ sunt: quia dum reprobam vitam laudant, car-
nalem mentem tyranni ad exercendam pravitatem
roborant. Sequitur: [*Agros quoque vestros tollet, & vineas, & oliveta, & dabit servis suis.*] Qui sunt
agri bonorum, nisi de votæ mentes subditorum? quæ
dum corum verba libenter audiunt, bonorum ope-
rum uberem fructum reddunt. Quæ autem vineæ
eorum, nisi mentes eorum ita imitatione proficien-
tium, ut etiam alii verbū vita præbeant, & quos
loquendo in amorem conditoris accendent, velut
rp. 120 potando ebrios faciant? Quæ vero oliveta sunt, nisi
C. 3. corda auditorum, qui bonorum exemplo, & exhorta-
tione proficiunt in opus misericordia? Sed dum
Peril. 33 rex constituit, agri tolluntur: quia dum carnales
perveniunt ad culmen regiminis, nonnulli bonorum
auditores exempla suscipiunt pravitatis. Tollun-
tur ergo agri, cum nuper devota corda seducuntur,
quando ex nequitia semine fructum reddunt in ma-
ligna conversatione. Oliveta & vineæ tolluntur,
cum exemplo mali præposito misericordia opera, &
fanæs predicationis verba exhibenda & loquenda
deseruntur. Bene autem servis regis dari ablati agri,
& vineæ, & oliveta memorantur. Servi quippe sunt,
qui dominorum iuri semper subditi, evadere ne-
queunt juga dominationis. Servi itaque sunt regis,
qui per abundantem iniquitatem sic se tyrannorum
voluntatibus obligant, ut ab eis ulterius non rece-
dant. Ablatos ergo agros, & vineas, & oliveta ser-
vi suscipiunt: quia reprobatores prælatorum car-
nalium, dum decepta corda in prpositum transfe-
runt pravi operis, velut electorum agris, vineis, &
olivetis titulum imponunt tyrannicae potestatis. Se-
quitur: [*Sed & segetes vestras, & vinearum redditus
addecimabit, ut eunuchis & famulis suis.*] Cum
mali præfunt, difficile valde est, ut qui eis subjec-
tetur, nulla religionis damna patiatur. Aliorum nam-
que mentes omnino pereunt: sed ij, quos perverte-
re penitus nequeunt, dum incanteret & verba &
opera eorum prava conspicunt, qualicunque for-
dem acutantur. Bene ergo dicitur: [*Segetes vestras,
& vinearum redditus addecimabit.*] Quasi dicat: Sub
pastore reprobo electorum etiam bona integra non
sunt. Sed quod bonis demitur, eunuchi, & famulis
regis datur. Eunuchi, & famuli carnalium præla-
torum, sunt ejus auditores hypocrite. Eunuchi qui-
dem sunt, quia seculariter voluntatem se abiecisse
offendunt: sed regis sunt famuli, quia per omne,
quod de virtutibus se habere simulant, in se repro-
borum præpositorum impostum jugum portant. Be-
ne autem segetum, & vinearum decima eunuchorum
esse refertur: quia hypocritarum virus leviter
non agnoscitur. In quo dum sancti etiam viri pos-
sunt decipi, quod perdant, illis adscribitur, quo-
rum fraude capiuntur. Sequitur: [*Servos etiam ve-
stros & ancillas, & juvenes optimos, & asinos auferet,
& ponet in opere suo.*] Servi, & ancillæ sanctorum
sunt, qui eis temporalia necessaria submini-
strant. Servi & ancillæ sunt, quia dum eis corporum
necessaria tribuunt, in eodem opere misericordia,
alij alii robustiores sunt. Et optimi juvenes: quia &
qui multum, & qui parum possunt, dum omne,
quod præalent, in opere misericordia expendunt,
velut electi juvenes, divina servitia valenter operan-
tur. Asini quoque electorum sunt, quibus ferenda
onera obedientia imponuntur, ut eorum fragilitatem
adjument, dum ea cum eis portant, quæ sine eis
portare nequaquam possent. Quid est autem, quod
in opere regis ponendi prædicuntur? Sed qui in ope-
re regis ponuntur, diebus constitutis debitum per-
solvunt angaria, juri publicæ potestatis. Quid est er-

go, quod in opere regis servi & ancillæ, & juvenes
optimi ponendi prædicuntur; nisi, quia præminen-
tibus carnalibus, & electorum ministri, & devotæ
obedientium corda, plerumque maculantur? Nam
dum reprobam eorum vitam indescinenter aspiciunt,
paulatim sic decidunt, ut aliquid de eorum factis
imitentur. Ex longo quidem usu electis servient, sed
dum saepe vident eorum excellentiam culminis, ser-
viri sibi ab aliis quandoque appetunt per impulsum
elationis. Sua quoque misericorditer tribuant, sed
tyrannorum saepe exemplo aliena tollunt. Sed quia
servi sanctorum sunt, de jure eorum exire non pos-
sunt. Ad horam quidem possunt deseriri, sed ab erro-
re, in quem decidunt, per divinam misericordiam
facile sublevantur. Quia ergo per exempla pravorum
corruunt, qui citè respicunt, velut per angariam
ponuntur in regis opere: in quo diu non per-
manent per continuum servitutem. Sequitur: [*Gre-
ges quoque vestros addecimabit, vosque eritis ei ser-
vi.*] Quasi dicat: Dum pastor vobis carnalis præ-
ponitur, non solùm vestris, sed etiam vobis meti ipsi
virtutum præda inferuntur. Greges etenim electo-
rum, sunt turbæ virtutum spiritualium. Quia vero &
ipsæ spirituales virtutes exemplo pravorum disper-
santur, rex decimas tollit gregis, quando is, qui car-
naliter præminet, in sanctorum cordibus aliquas
virtutes perimit. Decimas tollit: quia dum mentis
integritatem dissipat, virtutum numerum imperfec-
tum derelinquit. Denario quippe numero perfec-
tio designatur. Unde & cùm lapsa humanitatis nostra
damna Dominus aperta comparatione ostenderet, Lnc. 15. b
mulierem, qua de decem drachmis unam perdi-
rat, in medium dicit; ut per hoc, quod denarius 34. in
numeris perfice ostenditur, superna illa societas, Euang.,
qua novenario numero remansit in Angelis, sine re-
paratione conditionis nostræ imperfecta esse doceat-
ur. Et quia decima per annos singulos exiguntur,
apèt qui decimas offere non desinunt, servi esse re-
gis perhibentur. Eis quippe per annos singulos ser-
viant, quorum exemplo saepe peiores sunt. Possunt
& per hoc, quod post das decimas servitus iste af-
ficitur, mali profectus ostendi. Nam qui paulatim
descent, quotidie agunt, unde ad iniquitatis pro-
funda deducantur. Dicit ergo: [*Greges vestros ad-
decimabit, vosque eritis ei servi.*] Quasi dicat: Ma-
lorum exemplo paulatim decidetis, sed cadendo agi-
tis, ut ab eorum imitatione numquam recedatis.
Scriptum quippe est: *A quo quis vincitur, eius ser-
vus efficitur.* Quia enim per imitationem pastoris re-
probi in peccati servitatem incident, etiam ab ejus
jugo, quando volunt, solvi non possunt. Unde &
subditur: *Et clamabitis in die illa à facie regis vestri,*
quem elegistis vobis, et non exaudiet vos
Dominus in die illa: quia petistis vobis
regem. 1. Pre.
Quasi dicat, in notitiam prava imitationis ejus
paulatim desfluit: sed pravitatis ejus exempla, qui-
bus vos sponte submittitis, relinquere sponte minime
potestis. *Omnis enim, qui facit peccatum, servus Ioh. 8. 31*
E est peccati. Quibus ergo peccata dominantur, per
se ab eorum jugo liberari nequeunt. Nam saepe ad
Dominum cum precibus veniunt, liberari petunt,
sed exaudiri non possunt. Divino siquidem judicio
cum eis agitur, ut qui noluerunt mala vitare, cùm
possent, non possint vitare, cùm volunt: & qui
sponete incurront mala præcognita, fugere non pos-
sunt experta. Quare & causam insinuans, quia exau-
diri prohibeantur, ait: [*Qui a petitis vobis regem.*]
Quasi aperte dicat: Quia illud vobis dari postula-
tis, in quo hæc omnia futura, me prædicente, co-
gnovistis. Hæc, ut superius dixi, in typo præla-
torum carnalium de futura regis conversatione prædi-
cuntur: ut ab ejus petitione quiescerent, in quo

tanta mala cognovissent. Sed habent corda reproborum, ut malum citò proponant, & à malo proposito non celerius resipiscant. Quare & subditur:

Noluit autem populus audire vocem Samue lis, sed dixerunt: Nequaquam. Rex enim erit super nos, & erimus nos quoque, si cut omnes gentes, & iudicabit nos rex no ster, et egredietur ante nos, et pugnabit bella nostra pro nobis.

Quibus profectò verbis mores subditorum carnalium aperte describuntur: quia dum exteriora appetunt, interiora damna etiam exposita non attendunt. Sed qui carnaliter præsunt, ipsa ostensione temporalis potentia subditis sibi minoribus magnam spem dant tutelæ. Dum ergo dicunt: [*Rex erit super nos, & pugnabit bella nostra pro nobis.*] quid aliud, quam reproborum subditorum mores insinuant, qui humiles & spirituales prædicatores despiciunt, ut temporaliter à carnalibus adjuventur? Quod certè nullatenus agerent, nisi prius lumen cordis amisiissent. Nam si spiritualium virorum humilitate foris despiciunt, sed qua potestatis sublimitate intus emineant, cernere non merentur; in illis quoque externam potestatis tyrannidem vident, sed qua infirmitate intus deprimatur, non vident. Isti, quia Deo adhærent, cùm volunt, etiam in exterioribus potentes sunt; illi, qui à Domino recedunt, spem, quam promittunt de potentia sæculari, exhibere non possunt fortitudine operationis. Nam, ut de vicino exempla capiamus, Saul ad pugnanda bella regem postulantum, foris & potens eligitur; ita, ut, sacra hac historia teste, ab humero, & sursum populo universo eminceret. A Deo igitur ad regni gubernacula electus, cùm bonus existaret, & de filiis Israhel aliquis melior illo non esset, tamen, cùm tantus, ac talis vir carnali fortitudini relinquitur, bella perdidit, que pugnatibus accepérat, & vitam pariter amisit. Samuel autem, qui sæculi potentia sublimis non extitit, qui humiliiter non solum Deo, sed etiam hominibus ministravít, de exterioribus quoque bellis trophyæ potenter exhibuit. Nam non valde suprà de eo dictum est: *Tulit Samuel agnum laetentem unum, & obtulit illum holocaustum integrum Domino, & clamavit Samuel ad Dominum pro Israhel, & exaudiuit eum Dominus. Factum est autem, cùm Samuel offerret holocaustum Domino, Philistini inire prælum contra Israhel. Intonuit autem Dominus fragore magno in die illa super Philistium, & exterruit eos, & eas sunt Philistini à filiis Israhel.* Dicat ergo: [*Noluit populus audire vocem Samue lis,*] ut in eorum inobedientia superborum corda designentur, sic divina æquitatis iudicio projecta, ut magna mala immincent, que incursuri sunt: sed tamen ea videre non possint. Sequitur:

Et audivit Samuel omnia verba populi.

Hoc profectò Samuel audivit, quod populus locutus est, sed ipsum populus non audivit. Populo enim reprobo loqui, & non audire, fuit verba contra Dei voluntatem promere; sed poenam pravæ locutionis minimè prævidere. Samuel autem populi verba audivit: quia spirituales viri, dum superbæ locutionis voces audiunt, futurum in eis divina ultionis meritum recognoscunt. Dicat ergo: [*Audiuit Samuel omnia verba populi,*] quia sancti, ac spirituales viri, quidquid carnales superbè foris informant, quale sit, in divino iudicio intus penfant. Sed quia, dum carnalium subditorum damnabilem vitam reperiunt, pro delendis eorum criminibus intercedunt. Sequitur:

Et locutus est ea in auribus Domini.

A In eorum auribus loquimur, apud quos magna familiaritatis gratiam habemus. Sancti autem viri, quia omnipotenti Deo in magni amoris vinculo coniuncti sunt, ei in auribus loquuntur: quia divina propitiationis ejus auditum tantò fiduciahus exposunt, quād apud ejus misericordiam imperrandi locum sublimius acceperunt. Peccata vero populi loquuntur pro humilitate confessionis, sed in auribus loquuntur Domini: quia cum magno affectu precis januam pulsant Dominicæ propitiationis. Sed fortasse in auribus Domini loqui dicitur: quia dum sancti viri pro peccatoribus obferrant, preces, quas pro eis Deo offerunt, hominibus non revelant. Unde & in Evangelio Dominus prohibet discipulos, dicens: *Cum oratis, nolite fieri sicut hypocrita tristes, qui amant in synagogis, & in angulis platearum stan tes orare, ut videantur ab hominibus.* Verba ergo, sive opera populi loquuntur, cùm delicta locutionis & operis orationibus delenda Domino exponunt. Ea vero in auribus Domini loquuntur, ut dum hominum testimonia orantes fugiunt, ab eo, qui occulta respicit, celerius audiantur. Dum ergo in auribus Domini Samuel loqui perhibetur, modum profectò insinuat, quo quis auditum mereatur divina dignationis. Nam per ventre ad Deum oratio nequaquam potest, quæ ex intentione promittit, ut ab omnibus agnoscatur. Unde & qui in auribus Domini locutus asseritur, responsa ejus etiam percepit perhibetur. Nam sequitur:

Dixit autem Dominus ad Samuelem: Audi vocem populi, & constitue super eum regem.

Quia in re notandum, quia Samuel verba populi, quibus regem petierat, in auribus Domini locutus est: & Dominus se abjectum asserit in eo, quod populus regem petit. Dum igitur oranti responderet, & regem facere orantem jubet, quid aliud insinuat, nisi quia devota electi viri oratio numquam est infructuosa? Nam si populi correctionem non obtinuit, eruditioñis sua bonum obtinuit, cùm abjectum populum pro mala petitione cognosceret, sed & nihilominus sciret, quid facere projectis ipse debuisse. Audiri ergo Propheta potuit, & non audiiri: quia orando qualis esse deberet, novit, sed a populo reproba postulanti, duritiam cordis non abstulit. Sed hoc obtinere ille potuit, qui in auribus Domini locutus est: quia sancti viri eo ipso, quo deo te pro peccatoribus Dominum obferrant, divinæ propitiationis auxilio muniantur, ut eorum criminibus nequaquam polluantur, quorum fortes delere precibus nequeunt. Quid vero est, quod Dominus ait:

Audi voces eorum.

Cum superius dictum sit: *Audivit Samuel omnia verba populi.* Sed verba populi audierat, ut sciret, quæ dicebantur, non ut quæ petebantur, concederet. Dum ergo ei à Domino dicitur: *Audi vocem populi, & constitue super eum regem,* favere voluntati populi Prophetam justit. Et ecce, ut palam cernitur, Prophetæ orans non auditur, populus Deum abiciens, regemque petens, auditus est. Quid hoc esse dixerimus, nisi quia miro & tremendo divinæ incomprehensibilitatis iudicio sancti viri pro reprobis orantes exaudiiri nequeunt: ita adimplendis verò suis pravitatisbus, audiri ipsi reprobis delinquentes possunt: ut illis libera iniurias aeternæ vindictæ meritum augeat, & istis ex affectu compassionis merces perpetua retributionis accrescat? Et statim cum ordinem, quo ad ejusdem regis constitutionem ventum sit, ostendere incipiens, ait:

Et ait Samuel ad universos filios Israhel: Vade dat unusquisque in civitatem suam.

Cum spiritualia discutere volumus, necesse est, ut

ab intentione nostra carnalia removeamus : quia mens interna non penetrat , quam exteriorum actuum pulvis cœcat . Dum igitur Propheta Domini omnem populum abire ad propria loca præcipit , à se utique tumultum carnarium repellit : ut èo spiritualia , quæ disponenda sunt , claris videat , quod mentis ejus aciem terrenorum actuum intentio non obscurat . Sed qualis sit , qui divino judicio prævidetur , insinuans , ait :

CAPUT III.

Cap. ix. **E**rat vir de Benjamin , nomine Cis , filius Abiel , filij Seor , filij Bechorath , filij viri Gemini , fortis robore . Et erat ei filius nomine Saul , electus & bonus , & non erat vir de filiis Israel melior illo , ab humero & sursum eminebat super omnem populum .

Cum ordinandi regis persona exponitur , cur patrum eius nomina describuntur , nisi ut regnum ejus durable non sentiatur ? Nam de regno , quod futurum præviderat Moyses , ait : Non deficit scepterum de Iuda , & dux de seniore ejus , donec veniat , qui mittendus est : & ipse erit expectatio gentium . Quia ergo tribus Iuda ad regni diuturnitatem prævisa extiterat , Cis generatio memoratur ; ut regia dignitas , quæ condebatur in filio , aperte sciretur esse dispensatoria , non mansura . Sed qui carnalem regem generat , Cis , idest durus nostro eloquio dicitur , & is fortis robore prædicatur . Nunc quoque plerique carnales intra sanctam Ecclesiam sunt , qui magna agere videntur : carnales verò sunt , quia sancti Spiritus gratiam non habent : Fortes ergo sunt robore , quia omne , quod magnum videntur agere , corporale est . Nam & Cis pater Saül ideo fortis robore dicitur , ut vires corporis magnas habuisse sentiatur . Fortis ergo robore , durus est : quia qui magna carnaliter exhibet , cor molle per compassionem , in fraterna charitate non habet . Valenter agit , quæ non imitari homines foris possint , sed intus conjungi fraternis mentibus nescit per affectum dilectionis . Fortia agit , quæ Deus reprobatur ; & affectum charitatis , quem approbat , exhibere non curat . Durus ergo est , quia dum superbo corde corporalia agit , ejus mentem gratia sancti Spiritus non mollit . Quod contrà sanctus vir gloriatur , dicens : Deus mollivit cor meum , & omnipotens turbavit me . Et saepè , qui talium mores imitantur , Dei judice rectores sunt . Unde & aptè Saül filius Cis fuisse memoratur . Sed quareundam est , cur idem Saül electus , & bonus esse dicitur , qui duri filius esse perhibetur : Sed electus dicitur non secundum gratiam , sed secundum judicium . Bonus etiam dicitur , ut divina æquitatis dispositio commendetur . Nam & mala , que pro peccatis nostris saepè patimur , quia per divinam justitiam nobis irrogantur , bona sunt . Bonum profectò est , quidquid est justum . Per iustitiam quippe Dei pastores reprobi ad regimen sanctæ Ecclesie ascendere permittuntur ; sed qui mali sunt per iniquitatem , boni sunt divina dispositione : & occulta nunc ordinatione Dei electi sunt , qui ultimo erunt universali judicio reprobandi . Pastor ergo reprobus , quia ut sit , Dei indignatione decernitur , dicatur electus : & quia iustè permittitur , dicatur bonus . Item quia ad exequenda divina judicia ceteris utilior prævidetur , melior illo esse de filiis Israel nemo dicitur . Qui etiam ab humero , & sursum eminere super omnem populum memoratur : quia qui carnalium mores vivendo sequitur , valde nititur , ut ea agat , quæ agere alter non valeat . Carnalis enim rector ab humero , & sursum universo populo eminet ; cum in exterioribus fortis est sine comparatione . Posunt & hæc omnia verba laudis intelligi , quibus dum ordinandi regis persona prædicatur , regem petentium intentio confundatur . Nam dicunt : Rex erit super

Gen. 49.

b

rum præviderat Moyses , ait : Non deficit scepterum de Iuda , & dux de seniore ejus , donec veniat , qui mittendus est : & ipse erit expectatio gentium . Quia ergo tribus Iuda ad regni diuturnitatem prævisa extiterat , Cis generatio memoratur ; ut regia dignitas , quæ condebatur in filio , aperte sciretur esse dispensatoria , non mansura . Sed qui carnalem regem generat , Cis , idest durus nostro eloquio dicitur , & is fortis robore prædicatur . Nunc quoque plerique carnales intra sanctam Ecclesiam sunt , qui magna agere videntur : carnales verò sunt , quia sancti Spiritus gratiam non habent : Fortes ergo sunt robore , quia omne , quod magnum videntur agere , corporale est . Nam & Cis pater Saül ideo fortis robore dicitur , ut vires corporis magnas habuisse sentiatur . Fortis ergo robore , durus est : quia qui magna carnaliter exhibet , cor molle per compassionem , in fraterna charitate non habet . Valenter agit , quæ non imitari homines foris possint , sed intus conjungi fraternis mentibus nescit per affectum dilectionis . Fortia agit , quæ Deus reprobatur ; & affectum charitatis , quem approbat , exhibere non curat . Durus ergo est , quia dum superbo corde corporalia agit , ejus mentem gratia sancti Spiritus non mollit . Quod contrà sanctus vir gloriatur , dicens : Deus mollivit cor meum , & omnipotens turbavit me . Et saepè , qui talium mores imitantur , Dei judice rectores sunt . Unde & aptè Saül filius Cis fuisse memoratur . Sed quareundam est , cur idem Saül electus , & bonus esse dicitur , qui duri filius esse perhibetur : Sed electus dicitur non secundum gratiam , sed secundum judicium . Bonus etiam dicitur , ut divina æquitatis dispositio commendetur . Nam & mala , que pro peccatis nostris saepè patimur , quia per divinam justitiam nobis irrogantur , bona sunt . Bonum profectò est , quidquid est justum . Per iustitiam quippe Dei pastores reprobi ad regimen sanctæ Ecclesie ascendere permittuntur ; sed qui mali sunt per iniquitatem , boni sunt divina dispositione : & occulta nunc ordinatione Dei electi sunt , qui ultimo erunt universali judicio reprobandi . Pastor ergo reprobus , quia ut sit , Dei indignatione decernitur , dicatur electus : & quia iustè permittitur , dicatur bonus . Item quia ad exequenda divina judicia ceteris utilior prævidetur , melior illo esse de filiis Israel nemo dicitur . Qui etiam ab humero , & sursum eminere super omnem populum memoratur : quia qui carnalium mores vivendo sequitur , valde nititur , ut ea agat , quæ agere alter non valeat . Carnalis enim rector ab humero , & sursum universo populo eminet ; cum in exterioribus fortis est sine comparatione . Posunt & hæc omnia verba laudis intelligi , quibus dum ordinandi regis persona prædicatur , regem petentium intentio confundatur . Nam dicunt : Rex erit super

1. Reg. 8.

d

A nos , & judicabit nos , & pugnabit bella nostra pro nobis .] Dicitur electus & bonus , & quia non sit de filiis Israel melior illo , ut bona omnia in petit regis persona excellant : sed dum ad ea non sufficit , quæ populus proposuerat , præsumptio humana confundatur , ut vieta tabescat . Et quidem , ut supra dixi , rex , qui populum præturus eligitur , eorum bella pugnaturus , cum à divino auxilio deferitur , bello depresso obiit , & populo , quem ad eadem bella prævit , tunc non fatalis causa , sed mortis fuit . Quod denique Deo populus adscriberet , si is , qui Dei judicio electus rex fuerat , ad agenda , quæ volebat populus , non tam idoneus extisset . Porest etiam electus & bonus intelligi , dum assertur , non qualis in futuro prævidebatur . Dicitur ergo electus & bonus , ut talis à Domino sentiatur electus , qui per inobedientiam poltea fuit reprobatus . Quare & ipsa ratio exigit , ut quæ de electo & bono usque ad reprobationis tempora dicuntur , & in bona parte sentiamus .

CAPUT IV.

SUMMAM ergo cuncta repetentes , quid adificationis in se contineant , secundum aliam significacionem videamus . Quia in Samuele novum sacerdotium diximus designari , quid est , quod fuit , nisi , quia dum per decurrentia spatia temporum sancta Ecclesia ducitur , in nonnullis sacerdotibus conversationis pulchritudo veteratur : Senuit autem Samuel , quia vigor auctoritatis emarcuit . Quasi enim juvenis erat Samuel , quando sacerdotum ordo solis cælestibus desideriis inhians , dum nulla terrena quereret , quod efficacius superna prædicare poterat , èd ad ea nihilominus verbis , & exemplis subditorum animos accendebat . Valebat enim robore , & juvenili pulchritudine radiabat , dum vim caelestis verbi in splendore ostenderet sanctæ conversationis : quia quidquid validum loquendo poterat prædicare , nitebatur etiam sublimiter vivendo ostendere . Nam & mortuas animas vivificabat verbo ; sed miro flore juventutis emicantis , mortua corpora resuscitabat imperio . Cum & cæsis vifum , claudis gressum , & omnibus ægritudinibus medelam tribueret , & adeo sanctissime conversationis pulchritudine radiabat ; ut majoris virtutis esset , hoc modo posse vivere , quam illo aliis subvenire . Velut ergo in juventute vigebat Samuel , quando in ordine sacerdotum pariter refulgebat & mira virtus operis , & tam imensa pulchritudo sanctæ conversationis . Sed jam diu est , quod Samuel senuit . Multa enim tempora clapsa sunt , ex quibus multi eorum , amorem saceruli sequuntur , quorum virtute depelli gaudia mundi ab aliorum cordibus debuerunt . Quod tamen non idcirco dicimus , ut sancta Ecclesia nullos viros religiosos habeat : sed quod pauci sunt , qui prædicationis culmine perfecè noverint mundum contemnere , & summis desideriis inhærente . Quare aptè Samuel & senex dicitur , & prophetare . Senex quidem est , quia rigorem aspera conversationis in pluribus perdidit : prophetare tamen non desinit , quia dum aliquantas vires spiritales habet , virtutem providi spiritus valenter exhibet . Quod in uno eodemque prædicatore intelligi convenienter potest . Senes quidem sunt , & prophetant , qui sic per negligentiam resolvuntur , ut bene doceant , sed male vivant . Qui filios suos iudices ponunt , quando illos in sacerdotij dignitate constituant , qui remissioris vita eorum tempora contemplantur . A senibus tamen juvenes ordinantur : quia , qui promovendi veniunt , fortia promittunt . Sacerdotalis quippe vita fortissimam professionem spondent , cuius virtutem in futura conversatione non habent . Juvenes igitur promoventur : quia , qui eos ordinant , prius quam ab eis professionem virtutis accipiunt , eos ad tanti ordinis celitatem non assumunt . Prius namque eis insinuant , & quam sublimiter